



vischnaunca da  
**sumvitg**

# Reglament da sepultura e santeri

## **C u n t e g n**

---

<b>I.</b>	<b>Determinaziuns generalas</b>	<b>3</b>
Art. 1	Validitad	3
Art. 2	Survigilanza	3
Art. 3	Incumbensas	3
<b>II.</b>	<b>Determinaziuns specificas davart uorden da sepultura</b>	<b>3</b>
Art. 4	Metter en vischi	3
Art. 5	Transport dalla bara	3
Art. 6	Temps da spetga	3
Art. 7	Liug da sepultura	4
Art. 8	Lubientscha speciala per satrar	4
Art. 9	Tuchiez	4
Art. 10	Preparativas da sepultura	4
<b>III.</b>	<b>Determinaziuns specificas davart uorden da santeri</b>	<b>4</b>
Art. 11	Register da fossas	4
Art. 12	Disposiziun dallas fossas	4
Art. 13	Grondezia e distanza dallas fossas	4
Art. 14	Occupaziun dallas fossas	5
Art. 15	Ruaus da fossa	5
Art. 16	Exhumaziun	5
Art. 17	Revocaziun da fossas	5
Art. 18	Qualitad dils vischals	5
Art. 19	Fossas	6
Art. 20	Manteniment dil santeri	6
Art. 21	Schurmetg dil santeri	6
<b>IV.</b>	<b>Determinaziuns executoricas</b>	<b>6</b>
Art. 22	Disposiziun penala	6
Art. 23	Mieds legals	6
<b>V.</b>	<b>Determinaziuns finalas</b>	<b>7</b>
Art. 24	Approbaziun e vigur	7

## I. Determinaziuns generalas

---

### Art. 1 Validitad

<sup>1</sup> Quest reglament regla igl uorden da sepultura e santeri ella vischnaunca da Sumvitg se basond sin l'ordinaziun cantunala dils 01-12-1998 pertuccond igl uorden da satrar (DG 508.100).

<sup>2</sup> El vala per gl'entir intschess dalla vischnaunca da Sumvitg.

### Art. 2 Survigilanza

La survigilanza digl uorden da sepultura e santeri ei incumbensa dalla suprastanza communal. Ella ei responsabla per l'execuziun digl uorden da sepultura e santeri.

### Art. 3 Incumbensas

<sup>1</sup> Incumbendas dallas suprastanza communal:

- relaschar disposiziuns per il diever e manteniment dil santeri
- ordinar prescripziuns allas pleivs davart la rumida dallas fossas suenter scadenza dil ruaus da fossa
- dar lubientschas excepziunalas per satrar personas d'ordeifer
- survigilar la formaziun da fossas
- controllar ed actualisar il register da fossa

## II. Determinaziuns specificas davart uorden da sepultura

---

### Art. 4 Metter en vischi

<sup>1</sup> Il defunct astga vegnir mess el vischi pér suenter ch'in miedi ha constatau officialmein la mort.

<sup>2</sup> La finiastra dil vischi astga restar aviarta entochen avon la sepultura, sch'il miedi ordinescha buca da serrar quel pli baul ord motivs medicinalis ni auters.

<sup>3</sup> Pertuccont metter en vischi baras cun prighel d'infecziun valan las prescripziuns federalas.

### Art. 5 Transport dalla bara

Il transport dalla bara en caplutta da morts ni santeri ei caussa dalla parentella. Las prescripziuns specialas dalla confederaziun e dil cantun restan resalvadas.

### Art. 6 Temps da spetga

<sup>1</sup> Ei astga vegnir satrau ni cremau ina bara sil pli baul 48 uras suenter la mort.

<sup>2</sup> En cass specials sa il miedi districtual dar ina lubientscha extraordinaria.

### **Art. 7 Liug da sepultura**

<sup>1</sup> Tut ils defuncts ch'ein domiciliai e mieran en la vischnaunca da Sumvitg e tuttas baras anfladas sil territori dalla vischnaunca han il dretg da vegnir satrai en in dils santeris publics dalla vischnaunca.

<sup>2</sup> A negin astga vegnir snegau ina digna sepultura, ni ord motivs da confessiun ni per auters motivs.

### **Art. 8 Lubientscha speciala per satrar**

Persunas ch'ein buca domiciliadas en la vischnaunca da Sumvitg astgan vegnir satradas en vischnaunca mo cun ina lubientscha speciala dalla suprastanza communal.

### **Art. 9 Tucchiez**

<sup>1</sup> Cuo ed intensitad dil tucchiez sedrezzan tenor igl usit da tucchiez da mintga pleiv.

### **Art. 10 Preparativas da sepultura**

<sup>1</sup> Las pleivs ordineschan per ordinari il cavar fossa e procuran per la sepultura. En cass specials sco per exempel tier baras anfladas ni tier baras senza survivors succeda la sepultura en concordanza cun la suprastanza communal.

## **III. Determinaziuns specificas davart uorden da santeri**

---

### **Art. 11 Register da fossas**

Mintga pleiv vegn incaricada dalla suprastanza communal da menar in plan da santeri cun l'occupaziun dallas fossas (num e prenum, onn da naschienscha e da mort dil defunct). Il register da mintga santeri vegn controllaus periodicamein dalla suprastanza communal.

### **Art. 12 Disposiziun dallas fossas**

<sup>1</sup> La disposiziun dallas fossas sedrezza tenor il plan da santeri da mintga pleiv.

<sup>2</sup> En mintga pleiv vegn satrau en retscha.

<sup>3</sup> Las urnas vegnan sutterradas ni deponidas el liug / nischa fixai da mintga pleiv.

### **Art. 13 Grondezia e distanza dallas fossas**

<sup>1</sup> La distanza denter mintga fossa sto muntar sil pli pauc 30 cm.

- <sup>2</sup> La profunditad minimala dallas fossas munta:
- |   |        |
|---|--------|
| - per fossas da carschi ed affons sur 10 onns | 1.50 m |
| - per fossas d'affons sut 10 onns             | 1.20 m |
| - per fossas d'urnas                          | 0.80 m |

#### **Art. 14 Occupaziun dallas fossas**

- <sup>1</sup> Scadin vischi e scadina urna vegnan per regla satrai en ina fossa separada.
- <sup>2</sup> Sin giavisch dil defunct ni dalla parentella sa la suprastanza communal lubir da satrar l'urna en ina fossa occupada ni da satrar pliras urnas en la medema fossa ni nischa. Il temps da ruaus vegn cheutras buca prolungius.

#### **Art. 15 Ruaus da fossa**

- <sup>1</sup> Il ruaus da fossa per sutterradas e nischas munta 20 onns.
- <sup>2</sup> Tier fossas che vegnan cavadas si suenter il temps da ruaus ein ossadira ed urnas da satrar dignamein.

#### **Art. 16 Exhumaziun**

- <sup>1</sup> L'exhumaziun avon la spirada dil temps da ruaus da 20 onns ei scumandada.
- <sup>2</sup> Per excepziuns muort munconza da plaz ni auters motivs basegna ei ina lubientscha speciala dil departement da justitia, polizia e sanidad dil cantun Grischun.

#### **Art. 17 Revocaziun da fossas**

- <sup>1</sup> La suprastanza communal sa ordinar ina revocaziun da singulas fossas ni d'ina part dil santeri suenter il temps da ruaus da 20 onns.
- <sup>2</sup> La revocaziun sto vegnir publicada ufficialmeins silmeins 6 meins avon il termin previu. El medem mument ston era ils vegnentsuenter vegnir orientai a scret.
- <sup>3</sup> La dismissa ha da succeder enteifer il temps fixau dalla suprastanza entras ils vegnentsuenter. Sche la dismissa succeda buca enteifer quei temps, vegn quella fatga per incarica dalla suprastanza communal cun adossar ils cuosts als vegnentsuenter.
- <sup>4</sup> Monuments, cruschs e ramas da fossas astgan buca vegnir deponi sin territori dil santeri e ston vegnir allontanai sin avis dalla persuna pil survetsch santeri.

#### **Art. 18 Qualitad dils vischals**

- <sup>1</sup> Per sutterrada ei da far diever da vischals ord lenn lom.
- <sup>2</sup> Ei la bara aunc enzugliada en ina folia da metall ni da plastic, eisi da procurar avon che satrar a moda cunvegna ch'aria sufficienta hagi access alla bara.

### **Art. 19 Fossas**

La formaziun dallas fossas vegn surschada allas pleivs. Ellas ein responsablas da tener bein a quen il plaz disponibel per quei intent.

### **Art. 20 Manteniment dil santeri**

<sup>1</sup> Mintga fossa duei vegnir mantenida en bien stan dils vegnentsuenter ni d'ina tiarza persuna.

<sup>2</sup> Il plantar plontas e caglias sin las fossas ei scumandau.

<sup>3</sup> Il manteniment ordinari ei caussa dallas pleivs.

<sup>4</sup> Manteniment extraordinari surpren la vischnaunca suenter che la suprastonza communal ni il cau cumpetent han decidiu d'exequir tal el rom dil preventiv.

### **Art. 21 Schurmetg dil santeri**

<sup>1</sup> Igl access al santeri ei lubius a mintgin.

<sup>2</sup> Igl ei specialmein scumandau

- da far canera e da secuntener a moda disturbonta el santeri
- da donnegiar ni da tschuffernar crusch-fossas e monuments sco era igl ulteriur territori dil santeri.

## **IV. Determinaziuns executoricas**

---

### **Art. 22 Disposiziun penala**

<sup>1</sup> Surpassaments da quest reglament vegnan puni conform allas cumpetenzas dalla suprastonza communal.

<sup>2</sup> L'execuziun dalla disposiziun sin donn e cuost dil culpeivel resta resalvada.

### **Art. 23 Mieds legals**

Encunter decisiuns e disposiziuns dalla suprastonza communal sa vegnir recurriu entei fer 20 dis suenter la comunicaziun alla dertgira administrativa dil cantun Grischun.


## V. Determinaziuns finalas

---

### Art. 24 Approbaziun e vigur


Quest reglament ei vegnius approbaus dalla radunonza communal dils 05 da mars 2001 e passa immediatamein en vigur.

Il president communal:



Placi Michèl Wenzin

Igl actuar communal:



Martin Monn